

# Can n'ain lè-z-ole

*Cette belle poésie, pleine de nostalgie et de regrets, que probablement Lidia avait écrite les derniers temps de sa vie, a été retrouvée dans la mémoire de son ordinateur, parmi d'autres textes, édités et non, de différente nature. C'est une Lidia inattendue. (A. B.)*

*T'adon-e-té, mon ami  
Sella verda chézón  
Can n'ain lè-z-ole  
É sain pó volà :*

*N'en vu crêtre lo gran  
N'en vu tsère la foudra  
N'en contó lè-z-èteïle  
pè pó semblà lon.  
N'en matsé dè-z-izeuille  
N'en tsavó dè rai-dousse  
N'en fé rossegnón  
avoué dè pan è dè gnoué  
N'en dzoyé a bara  
Outor dou ellotsé....*

*T'adon-e-té, mon ami  
Sella briva chézón  
Can lo queur no èclopoe  
Dè radze è d'amour :*

*N'en rèboudzé lo mondo  
É l'en emplì dè sondzo.  
N'en vécü d'illujón  
D'espouar è dè foué  
N'en prèdzé desqueuttó  
Dènonzé contestó.  
N'en barsó a la leunna,*



Saint-Nicolas, 18-19 décembre 2010  
Conférence annuelle du Centre  
(photo Diego Pallu)

*N'en crió a tcheu ven  
Ma lo ven de la via  
No-z-a tcheu soffló ià . . .*

*Ma ioi què t'é mon ami  
A sta frèide chézón  
Què lè-z-ombre son londze  
E couegnè l'orizón ?*

*Can passon lè tchoe  
E son-adzon la nèi  
Can soffle la bize  
E tremblon lè foille  
Can veu en campagne  
Encontre ou solèi,  
Mè de sento ta voué,  
Mè de tsertso ta man.  
Tornon lè sondzo  
L'espouar, l'illujón . . .*

*Tro tar, mon ami  
Lo queur m'a sètsé  
Son tsèite lè-z-ole  
E volà poui pomé.  
Reston ou bor dou tsanté  
Lè séndre dza frèide  
D'én gran fouà de joué . . .*

*T'adon-e-té mon ami  
Sella verda chézón  
Can n'ain lè-z-ole  
E sain pó volà . . .*

**Lidia Philippot**